



**«ԵՐԵՎԱՆԻ ՇԱՌԼ ԱԶՆԱՎՈՒՐԻ ԱՆՎԱՆ ՄՇԱԿՈՒՅԹԻ ԵՎ ԱՐՎԵՍՏԻ ՊԵՏԱԿԱՆ ՔՈՒԼԵԶ»
ՊՈԱԿ**

ԷԹԻԿԱՅԻ ԿԱՆՈՆԱԿԱՐԳ



ԵՐԵՎԱՆ 2023

ԸՆԴՀԱՆՈՒՐ ԴՐՈՒՅԹՆԵՐ

- 1) Սույն կանոնները սահմանում է էթիկայի սկզբունքները և էթիկայի նորմերը և հավաստում կոռուպցիայի նկատմամբ քոլեջի անհանդուրժողական լինելու քաղաքականությունը:
- 2) Էթիկայի կանոնները նորմեր են, որոնք միտված են՝ ապահովելու Քոլեջի աշխատողների և սովորողների պատշաճ էթիկան, բացառելու հանրային և մասնավոր շահերի բախումը, ամրապնդելու հասարակության վստահությունը:
- 3) Էթիկայի կանոնները սահմանում են Քոլեջի աշխատողների գործառույթների իրականացման, աշխատողների և սովորողների պարտականությունների պատշաճ կատարման համար անհրաժեշտ կանոններ, որոնց՝ ապահովումը նպատակաուղղված է ուսումնական հաստատության հեղինակության և ծառայությունների որակի շարունակական բարձրացմանը:
- 4) Էթիկայի կանոնների առաջնային նպատակներն են՝ Քոլեջի գործունեության թափանցիկության բարձրացումը, փոխադարձ վստահության և համերաշխության մթնոլորտի ստեղծումը ինչպես աշխատողների միջև, սովորողների միջև, այնպես էլ աշխատողների, սովորողների ու Քոլեջ հետ առնչվող բոլոր անձանց միջև:
- 5) Էթիկայի կանոնների նպատակներից են համարվում ակադեմիական ազնվության արմատավորումը, շահերի բախման հնարավոր իրավիճակների նկարագրումը և դրանց լուծման կամ կանխարգելման համար հնարավոր միջոցառումների նախատեսումը:

ՇԱՀԵՐԻ ԲԱԽՈՒՄ

- 1) Շահերի բախումն այն իրավիճակն է, որում համապատասխան անձինք գտնվում են այնպիսի դիրքում, երբ չեն կարող ճիշտ դատողություններ անել կամ ըստ հարկի գործել, քանի որ նրանք որևէ կապ կամ պայմանագրային հարաբերություններ ունեն հակասող կամ տարբերվող շահեր հետապնդող երկու կողմերի հետ, թեև այս երևույթը կարող է պայմանավորված լինել անհատի մշակութային առանձնահատկություններով:
- 2) Սովորողների համար շահերի բախում է համարվում այն իրավիճակը, երբ սովորողը կհայտնվի այնպիսի իրադրությունում, որն ուղղակիորեն կամ անուղղակի կերպով նրանից կպահանջի ընտրություն կատարել Քոլեջի աշխատողների, սովորողների կամ շահառուների և իր շահերի կամ իր հետ փոխկապակցված անձանց շահերի միջև:

ՔՈԼԵՋԻ ԱՇԽԱՏՈՂՆԵՐԻ ԵՎ ՍՈՎՈՐՈՂՆԵՐԻ ԷԹԻԿԱԿԱՆ
ՎԱՐՔԱԳԻԾԸ

Քոլեջի աշխատողը պարտավոր է պահպանել էթիկայի հետևյալ
կանոնները.

- 1) Իր գործունեությամբ նպաստել ՀՀ կրթական համակարգի նկատմամբ վստահության և հարգանքի ձևավորմանը:

- 2) Հարգել մարդու արժանապատվությունը՝ անկախ նրա ազգությունից, լեզվից, դավանանքից, քաղաքական կամ այլ հայացքներից, սոցիալական ծագումից, պաշտոնական դիրքից, գույքային կամ այլ դրությունից, քաղաքացիությունից և քաղաքացիական կարգավիճակից:
- 3) Իր ծառայողական պարտականություններն իրականացնելիս լինել անաչառ:
- 4) Չխոչընդոտել իրավախախտումների բացահայտմանը:
- 5) Իր պարտականությունների կատարման ժամանակ շահերի բախման խնդիր առաջանալու դեպքում այդ մասին անմիջապես տեղյակ պահել վերադասին:
- 6) Իր ծառայողական պարտականությունների կատարման համար չպահանջել ֆինանսական միջոց կամ նվերներ:
- 7) Իր գործառույթներն իրականացնելիս չառաջնորդվել իր, իր հետ փոխկապակցված կամ այլ անձանց շահերով:
- 8) Քննարկման ենթակա հարցերում իր կամ իր հետ փոխկապակցված անձի որևէ անձնական շահի առկայության դեպքում պաշտոնապես հրաժարվել այդ հարցերի քննարկմանն ու քվեարկությանը մասնակցելուց:
- 9) Քոլեջի կառավարման և ղեկավարման հետ կապված ներքին իրավական ակտեր ընդունելու և կիրառելու իրավասությունն իրականացնելիս ապահովել, որ այդ կանոնները համապատասխանեն ՀՀ օրենսդրությանը և էթիկայի սկզբունքներին:
- 10) Ապահովել, որ իր անմիջական ղեկավարության ներքո գտնվող բոլոր աշխատողները իրազեկ լինեն համապատասխան օրենսդրությանն ու կանոններին և նպաստել էթիկական վարվեցողության պահպանմանը:
- 11) Իրականացնել ռիսկերի կառավարման այնպիսի գործընթացներ, որոնք հնարավորություն կտան Քոլեջի աշխատողներին, սովորողներին և շահառուներին համոզվելու, որ գործերն իրականացվում են արդար, թափանցիկ:
- 12) Հետազոտական գործունեության ընթացքում ցուցաբերել ակադեմիական ազնվություն:
- 13) Հարգել և պաշտպանել սովորողների ակադեմիական ազատությունը:

Քոլեջի պրոֆեսորադասախոսական կազմի աշխատողը՝

- 1) պետք է անաչառ, ճշմարտացի և արդարացի լինի սովորողների գիտելիքները գնահատելիս,
- 2) չպետք է սահմանի գիտելիքների, հմտությունների, կարողությունների գնահատման չափազանց բարձր պահանջներ՝ նախապես նվազեցնելով բարձր գնահատական ստանալու հավանականությունը.

Քոլեջի սովորողը պարտավոր է պահպանի էթիկայի հետևյալ կանոնները.

- 1) Լինել արժանապատիվ, համբերատար, հարգալից վերաբերմունք դրսևորել Քոլեջի սովորողների, աշխատողների հանդեպ:
- 2) Հարգել մարդու արժանապատվությունը՝ անկախ նրա ազգությունից, ռասայից, սեռից, լեզվից, դավանանքից, քաղաքական կամ այլ հայացքներից, սոցիալական ծագումից, պաշտոնական դիրքից, գույքային կամ այլ դրությունից, քաղաքացիությունից և քաղաքացիական կարգավիճակից:
- 3) Չխոչընդոտել իրավախախտումների բացահայտմանը:
- 4) Քոլեջի աշխատողներին չառաջարկել, չփորձել տալ որևէ այլ անձնական օգուտ, որը բող է ազդեցություն գործել իր ուսման կամ այլ անձանց աշխատանքի վրա